

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKI NAČELNIK



Broj: 02-14-1986/18-AP-3  
Datum: 13.06.2018. godine

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKI NAČELNIK - SLUŽBA ZA  
DRUGU IZ OBLASTI OPĆINE

14-06-2018
01/14-2016/18

OPĆINSKO VIJEĆE ZAVIDOVIĆI  
n/r PREDSEDavajući OPĆINSKOG VIJEĆA  
gospodin Redžo Seferović

PREDMET: Nacrt Odluke o izmjenama i dopunama Odluke o općinskim komunalnim taksama općine Zavidovići, dostavlja se

U prilogu akta dostavljam Vam Nacrt Odluke o izmjenama i dopunama Odluke o općinskim komunalnim taksama općine Zavidovići.

Nacrt Odluke o izmjenama i dopunama Odluke o općinskim komunalnim taksama općine Zavidovići sa obrazloženjem dostavljam Općinskom vijeću Zavidovići radi uvrštavanja u dnevni red sjednice Općinskog vijeća.

S poštovanjem.

PO OVLAŠTENJU OPĆINSKOG  
NAČELNIKA broj 02-05-4/17-AP-73  
od 03.10.2017. godine  
SEKRETAR OPĆINSKOG  
ORGANA DRŽAVNE SLUŽBE

Dostavljeno:

1. Naslovu,
2. U spis.

Nermin Čaharević, dipl. pravnik



BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKI NAČELNIK  
Služba za upravu ekonomskih  
poslova i poduzetništva



BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
11-06-2018

Broj: 03-05-12 - 337 /18  
Datum: 5.6.2018. godine

02 14 1986/18

OPĆINSKI NAČELNIK  
- OVDJE -

STRUČNA SLUŽBA OPĆINSKOG VIJEĆA  
- OVDJE -

PREDMET: Odluka o izmjenama i dopunama Odluke o općinskim komunalnim taksama na području općine Zavidovići, dostavlja se

U prilogu Akta dostavljamo Vam Nacrt Odluke o izmjenama i dopunama Odluke o općinskim komunalnim taksama na području općine Zavidovići („Službeni glasnik općine Zavidovići“, broj: 9/2017).

Navedenom Odlukom mijenjani su tarifni brojevi 3. i 4.

Naime, tarifni broj 3. Odluke se odnosi na taksu za priređivanje igara na sreću, te je određeno da se taksa plaća u iznosu od po 200,00 KM godišnje po uplatnom mjestu. Važećom Odlukom tarifni broj 3. se odnosi na držanje sredstava kojima se vrši priređivanje igara na sreću, te je određeno da se po svakom aparatu i sl. plaća godišnja naknada u visini od 300,00 KM po aparatu. Priređivači igara na sreću navedeni osnov i visinu plaćanja takse osporavaju, te istu ne izmiruju.

Obzirom na navedeno, a imajući u vidu da su priređivači zabavnih igara i igara na sreću saglasni da se sa istima zaključe sporazumi o međusobnom poravnanju potraživanja i dugovanja između Općine Zavidovići i navedenih priređivača igara na sreću za protekli period zaključno sa 2017. godinom, te da su saglasni da plaćaju taksu po tarifnom broju 3. ukoliko se usvoji Odluka o izmjenama i dopunama odluke o komunalnim taksama, to je i bilo potrebno pripremiti Nacrt Odluke o izmjenama i dopunama odluke o o općinskim komunalnim taksama.

Pored navedenog ovom Odlukom mijenjan je tarifni broj 4. Odluke o općinskim komunalnim taksama iz razloga što je Presudom Ustavnog suda Federacije Bosne i Hercegovine broj: U-4/17 od 12.09.2017. godine utvrđeno je da član 12. Tarifni broj 7. Odluke o općinskim komunalnim taksama („Službeni glasnik općine Zavidovići“, broj: 1/15 i 1/2017) nije u saglasnosti sa Ustavom Federacije Bosne i Hercegovine, obzirom na utvrđenu visinu takse.

Navedeni član 12. Tarifni broj 7. se odnosio na propisanu godišnju taksu za korištenje uređaja mobilne telefonije i to:



1. Bazna stanica mobilne telefonije 8.000,00 KM/godišnje,
2. Mikrobazna stanica mobilne telefonije 3.000,00 KM/godišnje,
3. Predajnici (pasivni repetitori), antene i stubovi 1.500,00 KM/godišnje.

Stupanjem na snagu Odluke o općinskim taksama općine Zavidovići („Službeni glasnik općine Zavidovići“, broj: 9/2017) prestala je da važi Odluka o općinskim komunalnim taksama sa Tarifom („Službeni glasnik općine Zavidovići“, broj: 1/15 i 1/2017.).

Novom Odlukom o općinskim taksama općine Zavidovići („Službeni glasnik općine Zavidovići“, broj: 9/2017) u članu 14. Tarifni broj 4. godišnja taksa za korištenje uređaja mobilne telefonije je povećana i iznosi:

1. Bazna stanica mobilne telefonije 16.000,00 KM/godišnje,
2. Mikrobazna stanica mobilne telefonije 6.000,00 KM/godišnje,
3. Predajnici (pasivni repetitori), antene i stubovi 3.000,00 KM/godišnje.

Imajući u vidu da je naprijed navedenom Presudom utvrđeno da član 12. Tarifni broj 7. ranije Odluke o komunalnim taksama nije u saglasnosti sa Ustavom Federacije BiH u dijelu koji se odnosi na utvrđenu visinu takse za korištenje uređaja mobilne telefonije, to iz navedenog proizilazi da ni nova važeća Odluka o komunalnim taksama općine Zavidovići u dijelu koji se odnosi na određivanje visine takse za korištenje uređaja mobilne telefonije nije u skladu sa Ustavom F BiH.

Navedenom Presudom sud je zauzeo stav da se u cilju zaštite jednakosti pred zakonom ne mogu proizvoljno određivati visine takse, za taksene obveznike, nego je potrebno primijeniti opći princip plaćanja takse, koji je određen u Odluci o komunalnim taksama.

S poštovanjem!

Dostavljeno:

- Naslovu
- a/a

POMOĆNIK NAČELNIKA

mr. sc. Džeraldina Miličević



Broj: 02-14-1986/18-AP-2  
Datum: 13.06.2018. godine

Na osnovu člana 8. stava (3) Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), člana 13. stava (3) Zakona o pripadnosti javnih prihoda u Federaciji Bosne i Hercegovine i finansiranju F BiH („Službene novine FBiH“, broj: 22/06 i 22/09) i odredbe člana 25. stav (1) tačka 6. Statuta općine Zavidovići („Službeni glasnik općine Zavidovići“, broj: 5/2008 i 5/a/2008), Općinsko vijeće Zavidovići na \_\_. sjednici, održanoj \_\_.06.2018. godine, donijelo je

### O D L U K U

o izmjenama i dopunama Odluke o općinskim komunalnim taksama općine Zavidovići

#### Član 1.

U članu 1. Odluke o općinskim komunalnim taksama općine Zavidovići („Službeni glasnik općine Zavidovići“, broj: 9/2017), stav (1) tačka 3. mijenja se i glasi: „3. Priređivanje zabavnih igara i igara na sreću“.

#### Član 2.

U članu 2. stav (1) tačka 3. mijenja se i glasi: „3. pod priređivanjem zabavnih igara i igara na sreću podrazumijeva se priređivanje zabavnih igara i igara na sreću na sredstvima za priređivanje zabavnih igara i igara na sreću, predviđenih za te namjene.“

#### Član 3.

U članu 12. iza riječi: „istaknutu firmu“ dodaju se riječi: „i za korištenje uređaja za pružanje usluga mobilne telefonije“.

#### Član 4.

(1) U članu 13. stav (1) u prvom redu iza riječi: „istaknutu firmu“ dodaju se riječi: „i za korištenje uređaja za pružanje usluga mobilne telefonije“.

(2) U članu 13. stav (1) Odluke u drugom redu iza riječi: „zona u kojoj je firma istaknuta“ dodaju se riječi: „odnosno zona u kojoj su postavljeni uređaji za pružanje usluga mobilne telefonije.“

(3) U članu 13. stav (2) Odluke u prvom redu iza riječi: „istaknutu firmu“ dodaju se riječi: „i za korištenje uređaja za pružanje usluga mobilne telefonije“.

(4) U članu 13. stav (2) Odluke u drugom redu iza riječi: „istaknutu firmu“ dodaju se riječi: „i za korištenje uređaja pružanja usluga mobilne telefonije“.

(5) U članu 13. stav (3) Odluke iza riječi: „poslovnog prostora na kome je istaknuta firma“ dodaju se riječi: „odnosno prostora na kojem su postavljeni uređaji za korištenje usluga mobilne telefonije.“



(6) U članu 13. stav (4) Odluke iza riječi: „zoni u kojoj je istaknuta firma“ dodaju se riječi: „ili postavljen uređaj za pružanje usluga mobilne telefonije“.

#### Član 5.

(1) U članu 14. Odluke o općinskim komunalnim taksama općine Zavidovići, Tarifni broj 3. mijenja se i glasi:

##### „Tarifni broj 3.

Za priređivanje igara na sreću plaća se taksa u iznosu od 200,00 KM godišnje po uplatnom mjestu. Sredstva uplaćena po ovom osnovu koristeće se namjenski u svrhu unapređenja i razvoja sporta na području općine Zavidovići.“

(2) U članu 14. Odluke o općinskim komunalnim taksama općine Zavidovići, Tarifni broj 4. mijenja se i glasi:

##### „Tarifni broj 4.

Za korištenje uređaja za pružanje usluga mobilne telefonije i to:

1. Bazna stanica mobilne telefonije,
2. Mikrobazna stanica mobilne telefonije,
3. Predajnici (pasivni repetitori), antene i stubovi, plaća se godišnja taksa množenjem jedinstvene osnovice komunalne takse za korištenje uređaja za pružanje usluga mobilne telefonije sa koeficijentom položajne pogodnosti.“

OSNOVICA KOMUNALNE TAKSE ZA KORIŠTENJE UREĐAJA MOBILNE TELEFONIJE 150,00 KM	KOEFIČIJENT POGODNOSTI PO ZONAMA						
	I	II	III	IV	V	VI	*
	1,35	1,30	1,25	1,20	1,15	1,10	1,00

#### Član 6.

Ova Odluka stupa na snagu prvog narednog dana od dana objavljivanja u “Službenom glasniku Općine Zavidovići”.

PREDSJEDAVAJUĆI  
OPĆINSKOG VIJEĆA

Redžo Seferović

## O B R A Z L O Ž E N J E

### PRAVNI OSNOV ZA DONOŠENJE ODLUKE

U članu 8. stav (3) Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), propisano je: “U vlastite nadležnosti jedinice lokalne samouprave posebno spadaju: - donošenje propisa o porezima, naknadama, doprinosima i taksama iz nadležnosti jedinice lokalne samouprave”.

U članu 13. stav (2) Zakona o pripadnosti javnih prihoda u Federaciji Bosne i Hercegovine i finansiranju F-BiH („Službene novine FBiH“, broj: 22/06 i 22/09), propisano je: „Pored udjela u raspodjeli prihoda iz člana 6. ovog Zakona, jedinicama lokalne samouprave pripadaju i drugi javni prihodi kako slijedi: c) naknade i takse u skladu sa propisima jedinica lokalne samouprave“

U članu 25. stav (1) tačka 6. Statuta općine Zavidovići („Službeni glasnik općine Zavidovići“, broj 5/08 i 5a/08) propisano je:

“Općinsko vijeće u okviru svoje nadležnosti donosi propise o porezima, taksama, naknadama i doprinosima Općine u skladu sa zakonom.”

### RAZLOZI DONOŠENJA ODLUKE

Presudom Ustavnog suda Federacije Bosne i Hercegovine broj: U-4/17 od 12.09.2017. godine utvrđeno je da član 12. Tarifni broj 7. Odluke o općinskim komunalnim taksama („Službeni glasnik općine Zavidovići“, broj: 1/15 i 1/2017) nije u saglasnosti sa Ustavom Federacije Bosne i Hercegovine, obzirom na utvrđenu visinu takse.

Navedeni član 12. Tarifni broj 7. se odnosio na propisanu godišnju taksu za korištenje uređaja mobilne telefonije i to:

1. Bazna stanica mobilne telefonije 8.000,00 KM/godišnje,
2. Mikrobazna stanica mobilne telefonije 3.000,00 KM/godišnje,
3. Predajnici (pasivni repetitori), antene i stubovi 1.500,00 KM/godišnje.

Stupanjem na snagu Odluke o općinskim taksama općine Zavidovići („Službeni glasnik općine Zavidovići“, broj: 9/2017) prestala je da važi Odluka o općinskim komunalnim taksama sa Tarifom („Službeni glasnik općine Zavidovići“, broj: 1/15 i 1/2017.).

Novom Odlukom o općinskim taksama općine Zavidovići („Službeni glasnik općine Zavidovići“, broj: 9/2017) u članu 14. Tarifni broj 4. godišnja taksa za korištenje uređaja mobilne telefonije je povećana i iznosi:

1. Bazna stanica mobilne telefonije 16.000,00 KM/godišnje,
2. Mikrobazna stanica mobilne telefonije 6.000,00 KM/godišnje,
3. Predajnici (pasivni repetitori), antene i stubovi 3.000,00 KM/godišnje.

Imajući u vidu da je naprijed navedenom Presudom utvrđeno da član 12. Tarifni broj 7. ranije Odluke o komunalnim taksama nije u saglasnosti sa Ustavom Federacije BiH u dijelu koji se odnosi na utvrđenu visinu takse za korištenje uređaja mobilne telefonije, to iz



navedenog proizilazi da ni nova važeća Odluka o komunalnim taksama općine Zavidovići u dijelu koji se odnosi na određivanje visine takse za korištenje uređaja mobilne telefonije nije u skladu sa Ustavom F BiH.

Navedenom Presudom sud je zauzeo stav da se u cilju zaštite jednakosti pred zakonom ne mogu proizvoljno određivati visine takse, za taksene obveznike, nego je potrebno primijeniti opći princip plaćanja takse, koji je određen u Odluci o komunalnim taksama.

Pored navedenog ovom Odlukom se mijenja tarifni broj 3. Odluke o općinskim komunalnim taksama. Naime, Općinski načelnik je sa priređivačima zabavnih igara i igara na sreću koji svoju djelatnost obavljaju na području općine Zavidovići postigao sporazume, kojim su regulisana potraživanja i dugovanja između Općine Zavidovići i priređivača igara na sreću zaključno sa 2017. godinom, te je definisan način plaćanja takse od strane navedenih priređivača igara na sreću u narednom periodu.

Naime, obzirom da su priređivači zabavnih igara i igara na sreću u proteklom periodu osporavali Odluke o komunalnim taksama na području općine Zavidovići u dijelu koji se odnosi na određivanje takse priređivačima igara na sreću, te nisu dobrovoljno izmirivali obaveze na osnovu navedenih Odluka, to je taksa naplaćivana prinudnim izvršenjem.

Presudama Ustavnog suda Odluke o komunalnim taksama na području općine Zavidovići u dijelu koji se odnosi na određivanje takse priređivačima igara na sreću u više navrata su proglašavane nezakonitim, te su vršene izmjene navedenih Odluka.

Kako je Općina Zavidovići putem prinudnog izvršenja jednim dijelom naplatila dug po osnovu komunalnih taksi od strane priređivača zabavnih igara i igara na sreću, te kako su Odluke o komunalnim taksama na osnovu kojih je naplata izvršena proglašene nezakonitim, to Općina Zavidovići ima dugovanja prema navedenim priređivačima.

Pored navedenog priređivači zabavnih igara i igara na sreću imaju dugovanja prema Općini Zavidovići za plaćanje komunalnih taksi.

Imajući u vidu naprijed navedeno Općinski načelnik je sa priređivačima igara na sreću koji svoju djelatnost obavljaju na području općine Zavidovići postigao sporazum, kojim su regulisana međusobna potraživanja.

Zbog svega naprijed navedenog bilo je potrebno izvršiti izmjenu i dopunu Odluke o općinskim komunalnim taksama, te tarifni broj 3. Odluke uskladiti sa navedenim sporazumom.

## ODREDBE KOJE SE MIJENJAJU

### Član 1.

(Osnovi za plaćanje takse)

Na području općine Zavidovići propisuju se i naplaćuju komunalne takse za:

1. Svaku istaknutu firmu,
2. Držanje žive muzike u ugostiteljskim objektima,
3. Držanje sredstava za priređivanje zabavnih igara (bilijar, automati, karte za igru, videoigre, fliperi, aparati za posebne igre na sreću i slično),
4. Korištenje uređaja za pružanje usluga mobilne telefonije.

### Član 2.

(Definicija pojmova)

U smislu ove Odluke:

1. pod istaknutom firmom podrazumijeva se ime pod kojim pravno ili fizičko lice posluje,
2. pod držanjem žive muzike u ugostiteljskim objektima podrazumijeva se povremeno ili svakodnevno izvođenje muzičkog programa uz pružanje ugostiteljskih usluga,
3. pod držanjem sredstava za priređivanje zabavnih igara (bilijar, automati, karte za igru, videoigre, fliperi, aparati za posebne igre na sreću i slično) podrazumijeva se držanje aparata kojima se omogućava priređivanje zabavnih igara i igara na sreću,



4. pod korištenjem uređaja za pružanje usluga mobilne telefonije podrazumijeva se stavljanje u funkciju baznih stanica mobilne telefonije, mikrobaznih stanica mobilne telefonije, predajnika (pasivnih repetitora), antena i stubova.

Član 12.  
(osnovica komunalne takse)

Osnovica komunalne takse na istaknutu firmu je jedinstvena i iznosi 150,00 KM uz primjenu ostalih mjerila za utvrđivanje visine komunalne takse.

Član 13.  
(visina komunalne takse)

(1) Mjerila za utvrđivanje visine komunalne takse na istaknutu firmu su koeficijent položajne pogodnosti i zona u kojoj je firma istaknuta.

(2) Visina komunalne takse na istaknutu firmu određuje se množenjem jedinstvene osnovice komunalne takse na istaknutu firmu sa koeficijentom položajne pogodnosti.

(3) Koeficijent položajne pogodnosti određen je jedinstveno za sve vrste djelatnosti po zonama urbanog dijela općine Zavidovići u zavisnosti od pripadnosti određenog poslovnog prostora na kome je istaknuta firma u skladu sa Odlukom o određivanju zona („Službeni glasnik općine Zavidovići“, broj: 9/2011).

(4) Koeficijent položajne pogodnosti utvrđen je zavisno od pogodnosti koje se obezbjeđuju obvezniku komunalne takse u zoni u kojoj je istaknuta firma odnosno obavlja djelatnost.

(5) Pod pogodnošću podrazumijeva se obim i stepen izgrađenosti i uređenosti i položaja zemljišta komunalnim građevinama i instalacijama, saobraćajne povezanosti, vrste i kapaciteta objekta za svakodnevno i periodično snabdijevanje, stepena pokrivenosti naselja objektima za zdravstvo, obrazovanje i kulturu i prirodnih uslova.

(6) Koeficijenti položajne pogodnosti upisani u kolonama tabele označenim sa zvjezdicom (\*) predstavljaju područja izvan urbanog dijela općine Zavidovići.

Član 14.  
(tarifni brojevi)

Tarifni broj 1.

Za svaku istaknutu firmu, oznaku, obilježje ili natpis na poslovnim prostorijama i objektima, kojim se označava da određeno pravno ili fizičko lice obavlja izvjesnu djelatnost ili zanimanje, obračunava se i plaća se godišnja taksa množenjem jedinstvene osnovice komunalne takse na istaknutu firmu sa koeficijentom položajne pogodnosti.

OSNOVICA KOMUNALNE TAKSE NA ISTAKNUTU FIRMU 150,00 KM	KOEFIKIJENT POGODNOSTI PO ZONAMA						
	I	II	III	IV	V	VI	*
	1,35	1,30	1,25	1,20	1,15	1,10	1,00



Tarifni broj 2.

Za priređivanje žive muzike u hotelima i disco klubovima, plaća se dnevno – 50,00 KM po danu muzike, a u ugostiteljskim objektima, plaća se dnevno – 10,00 KM, s tim da se za istu podnosi prijava poreznoj upravi najkasnije tri dana prije početka izvođenja muzike.

Tarifni broj 3.

Za posjedovanje sredstava za priređivanje zabavnih igara (bilijar, automati, karte za igru, video igre, fliperi, aparati za posebne igre na sreću i slično) plaća se taksa u iznosu od 300,00 KM/godišnje po komadu.

Tarifni broj 4.

Za korištenje uređaja za pružanje usluga mobilne telefonije plaća se godišnja taksa i to:

1. Bazna stanica mobilne telefonije 16.000,00 KM/godišnje,
2. Mikrobazna stanica mobilne telefonije 6.000,00 KM/godišnje,
3. Predajnici (pasivni repetitori), antene i stubovi 3.000,00 KM/godišnje.

**FINANSIJSKA SREDSTVA POTREBNA ZA PROVOĐENJE ODLUKE**

Prema podacima dostupnim u katastru Općine Zavidovići prihod po osnovu korištenja uređaja mobilne telefonije bi iznosio oko 7.000,00 KM što rezultira umanjnjem potencijalnih prihoda u visini od 117.000,00 KM u odnosu na projicirani prihod u važećoj Odluci o općinskim komunalnim taksama općine Zavidovići.

Godišnji prihod po osnovu takse za priređivanje igara na sreću na području općine Zavidovići, bi iznosio 8.000,00 KM, imajući u vidu da na području općine Zavidovići okvirno ima oko 40 uplatnih mjesta.

Prihod po ovom osnovu po važećoj Odluci o općinskim komunalnim taksama nije evidentiran, obzirom da priređivači igara na sreću, taksu nisu plaćali i istu osporavaju.

PO OVLAŠTENJU OPĆINSKOG  
NAČELNIKA broj 02-05-4/17-AP-73  
od 03.10.2017. godine

SEKRETAR OPĆINSKOG  
ORGANA DRŽAVNE SLUŽBE

Nermin Čahtarević, dipl. pravnik



Obradila:

  
(Amira Šibonjić)

Kontrolisala:

  
(Džeraldina Miličević)